

# Go lagaš olmmoš lea jápmán

Rohkosbodu dollojuvvo juos oapmahaččat dan bivdet. Dat dollojuvvo buohcciidlanjas, buohcceviesu kapeallas dahje ruovttus.

Rohkosbottu jođiha báhppa, searvegotti eará bargi dahje searvegotti lahttu.

Vilges liinniin gokčojuvvon beavddi ala sáhttá bidjat Biibbala ja ruossa dahje krusifivssa sihke cahkkehit ginttala. Oamehasa ratti ala sáhttá bidjat rásiid.

## 1. Sálbma

---

Sáhttá geavahit ovdamearkka dihte sálmma 235, 415 dahje 434.

## 2. Álggahus

---

### Álgosivdnideapme

Buessivdnádusa lea vejolaš lohkat dahje lávlut.

**B/O** Áhči ja + Bártni ja Bassi Vuoiŋŋa nammi.

**S** Ámen.

**B/O** Hearrá lehkos dinguin.

**S** Nu son lehkos maddái du vuoiŋŋain.

### Álggahansánit

Álggahansániid lea maddái vejolaš ráhkadit ieš.

**B/O** Ráhkis ustibat. Jesus gohčču lusa váiban ja morašteaddji olbmuid.

Son cealká: ”Bohtet mu lusa, buohkat geat rahčabehtet ja guoddi-behtet lossa nodiid, de attán didjiide vuoiŋŋadusa.” (Matt 11: 28)

### DAHJE

**B/O** Ráhkis ustibat. NN lea guoddán dán callima. Jápmín moive min jurdagiid. Mii illá áddet, mii lea dáhpáhuvvan. Mii dárbbášit fámu ja jeddehusa Ipmila sánis ja rohkosis. Jaskkodehkot morrašis bassi Ipmila ovdii.

### 3. Biibbalsálbma

---

Sáhhtá atnit maddái girkojagi čuovvu dahje eará biibbalsálmmaid.

Biibbalsálmma sajis lea vejolaš lávlut sálmma.

Biibbalsálmma sáhhtá lohkat dahje lávlut. Biibbalsálbmii sáhhtá laktit Uhca gudni. Uhca gudni guđđojuvvo eret 5. fástoáiggi sotnabeaivvi rájes.

Herrá lea mu báimman,

ii mus váillo mihkkege.

Ruonas gittiide son livvuda mu,

vuoiŋnadusa čázi lusa son láide mu.

Son áhpásmahtta mu sielu.

Son doalvu mu vanhurskkisvuoda bálgáid mielde namas dihtii.

Vaikko mun vádjolivččen jápminsuoivana leagis,

de in balaše mange bahás.

Dasgo don leat mu mielde.

Du soabbi ja báimmansoabbi jeddejit mu.

Don ráhkadat munnje beavddi

mu vašálaččaid čalmmiid ovddas.

Don vuoiddat mu oaivvi oljjuin,

mu juhkanlihtti golgá badjel.

Aivvefal buorre vuolta ja árbmugas vuolta

doarridit mu buot mu eallinbeivviid,

ja mun beasan ássat Herrá viesus

guhkes áiggiid čada.

Sál 23

#### **DAHJE**

Mun bisun álo du luhtte,

don leat dohppen mu olgeš gihtii.

Don láidet mu rádiinat,

ja dasto bajidat mu gudnái.

Juos mus leat don almmis,

de mun in sáva šat maidege eatnama alde.

Juos mu oažži ja váibmu vuoimmehuvvá,  
de Ipmil lea agálaččat mu váimmu bákti ja mu oassi.

Sál 73: 23–26

## DAHJE

Olbmo beaivvit leat dego suoidni,  
olmmoš lea dego gietti lieddi.

Go bieggá šuviha meattá, de dat jávká,  
báiki gos dat lei ii šat dovdda dan.

Muhto Hearrá árbmugasvuohta lea agálašvuodas agálašvuhtii  
sin oassi gudet ballet sus.

Su vanhurskkisvuohta ollá mánáid mánáide,  
sidjiide gudet dollet su lihtu.

Sál 103: 15–18

## Uhca gudni

Gudni Áhččái ja Bárdnái  
ja Bassi Vuignii,

nugo lei álggus, dál lea ja álo  
agálašvuodas agálašvuhtii. Ámen.

## 4. Biibballohkan

---

Lohkkojuvvo okta dahje moadde čuovvovaš čálabihtáin.

Sáhhtá atnit maid girkojagi čuovvu dahje eará čálabihtáid.

Biibballohkama maŋŋá sáhhtá leat jaskes mediteren.

Sár 12: 7

Rom 8: 38–39

Mun lean vissis das ahte ii jápmin iige eallin, eai engelat eai eai eará  
oaivámuččat, eai dat mat leat dál eai eai dat mat bohtet, dahje miige  
fámuid, eai dat mat leat badjin eai eai dat mat leat čiekŋalassas, sáhte  
earuhit min Ipmila ráhkisvuodas Kristusis Jesusis, Hearrásteamet.

2 Kor 5: 1–5

Miihan diehtit ahte juos min eatnanlaš viessu, min goahti, gaikkoduvvoge, de mis lea almmis viessu mii bohtá Ipmilis, agálaš viessu, mii ii leat huksejuvvon giedaiguin. Dáppe ealedettiineamet mii šuohkkit ja áibbašit gárvvohuvvot almmálaš viesuineamet. Dasgo go mii leat gárvvohuvvon dainna, de eat leat šat álás. Nu guhká go mii ássat dan goadis, mii šuohkkit váivvisteamet. Eat mii dáhto nuolahuvvot, muhto baicca gárvvohuvvot vai eallin njielašii dan mii lea jámolaš. Aiddo dán várás Ipmil lea gárvvistan min ja dáhkádussan son lea addán midjiide Vuoiŋa.

Alm 1: 17–18

Go mun oidnen Kristusa, de gahččen su julggiid ovdii dego jábmi.

Muhto son bijai olgeš giedas mu ala ja celkkii:

”Ale bala! Mun lean vuosttamuš ja mañimuš, dat guhte eallá. Mun ledjen jápmán, muhto geahča, mun ealán álo ja agálašvuhtii ja mus leat jápmima ja jábmiidriikka čoavdagat.”

Joh 11: 25–26

Jesus cealká

”Mun lean bajásčuožžileapmi ja eallin; dat guhte osku munnje, oažžu eallit vaikko vel jápmáge. Ii oktage guhte eallá ja osku munnje, jáme agálašvuodasge.”

Joh 14: 1–4

Jesus cealká:

”Alloset din váimmut suorganehko. Oskot Ipmilii ja oskot munnje! Mu Áhččán viesus leat ollu lanjat. Juos nu ii livčče, de mun cealkkášin didjiide dan. Dasgo mun manan gárvvistit didjiide saji. Ja go mun lean mannan ja lean gárvvistan didjiide saji, de boadán fas ja válddán din lusan, vai dii livččiidet doppe gos mun lean. Ja dii diehtibehtet geainnu dohko gosa mun manan.”

## 5. Sárdni/earrodearvvuođat

---

## 6. Sálbma

---

Sáhtta geavahit ovdamearkka dihtii sálmma 369, 420 dahje 421.

## 7. Rohkosoassi

---

### Rohkos

Sáhtta atnit maiddái iešráhkaduvvon rohkosa.

### **B/O** Rohkadallot.

1. Buotveagalaš Ipmil, almmálaš Áhčči. Jápmin lea guoskkahan min. NN lea ollen su mátkki geahčái. Mii giitit du su eallima ja buot buori ovddas, maid mii leat ožžon su bokte. Mii giitit oktasaš mátkkis, man mii leat ožžon johtit sinna. Veahket min giitevaš mielain bisuhit váimmusteamet su muittu. Mii addit NN du oskálíi ja dorvvastit du agálaš árbmui.

Ipmil, don oainnát, mii jurdagiinnámet lihkada. Oro min lahka ja oahpat min luohhtit, ahte don anát fuola mis. Nanne min oskku dasa, ahte don leat stuorát go min morrašat. Giitu, ahte mii oažžut gozedettiin ja váibbadettiin vuoijastit dus. Várjal, amamet mii báhcit morrašiinnámet okto. Giitu dain olbmui, geat leat fárus min morrašis. Atte midjiide fámu ja roahkkatvuoda boahhteáiggi doaimmaide ja bargguide. Deavdde min ráhkisvuodain ja viisodagain. Atte midjiide hearkivuoda deaivvadit olbmuiguin morrašis, vai eat dárpmehuvašii.

Ipmil, du sánis vissásit bohtá ovdan, ahte don diedát dan, maid mii ohcalit. Min šuohkanasatge ollejit du bealljái. Dán lohpadussii luoh-  
tedettiin mii bivdit: gula dál maiddái min jaskes rohkosa.

(jaskes boddu)

Almmálaš Áhčči. Mii giitit du eallima attáldagas, ilu ja morraša bottuin. Du giedain leat min eallima bottut. Mii báhcit du ráhkisvuoda ja árpmu oskálíi. Veahket min dorvvastit Kristusii, jápmima vuotái, nu

ahte oktii oččošeimmet buot min ráhkkásiiguin bajásčuožžilit agálaš eallimii. Gula min rohkosa Beastámet Jesusa kristusa dihtii.

2. Ealliid ja jábmiid Ipmil,  
ráhkis almmálaš Áhčči.

Jápmin lea galledan min.

Mii muitit du ovddas NN ja bivdit:

divtte min maiddái jápmimis dorvvastit dan vuitui,  
man Bárdnát Jesus Kristus vuittii.

Dán mii rohkadallat su namas.

3. Bassi, calli Ipmil.

Giitu das, ahte mii oažžut guoddit NN du háldui.

Divtte agálaš čuovgga báitit sutnje.

Skenke ráfát maiddái min iežamet váibmui.

Leage midjiide árbmugas

ráhkis Bárdnát Jesusa Kristusa dihtii.

**S** Ámen.

## Áhččámet

Hearrá rohkos celkojuvvo ovttá jitnii.

**S** Áhččámet, don guhte leat almmis.

Basuhuvvos du namma.

Bohtos du riika.

Šaddos du dáhttu,

mo almmis nu maiddái catnama alde.

Atte midjiide odne min beaivválaš láibbi.

Ja atte midjiide min sudduid ándagassii,

nugo miige ándagassii addit velggolaččaidasamet.

Alege doalvvo min geahččalussii,

muhto beastte min bahás eret.

Dasgo du lea riika ja fápmu ja gudni agálašvuhtii.

Ámen.

## Ruossamearka ja muođuid gokčan

**B/O** Hearrá, addos dutnje agálaš vuoigadusa,  
čuvgejekkos du agálaš čuovga.

Rohkosbottu ollašuhtti dahká ruossamearka oamehasa gállui ja cealká:

Bassi engelat jodihehkuset du agálaš eallimii.

Rohkosbottu ollašuhtti sáhtta gokčat oamehasa muođuid liinniin dahje bivdit  
geannu oapmahaččain dahkat dan.

## 8. Buressivdnádus

---

**B/O** Buressivdnidekkos min buotveagalaš ja árbmugas Ipmil,  
Áhčči ja (+) Bárdni ja Bassi Vuoigđa.

**S** Ámen.

### DAHJE

**B/O** Hearrá buressivdnidivččii din ja várjalivččii din.

Hearrá čuvgešii muođuidis didjiide

ja livččii didjiide árbmugas.

Hearrá jorgalivččii muođuidis din beallái

ja attášii didjiide ráfi.

Áhči ja + Bárdni ja Bassi Vuoigđa nammi.

**S** Ámen.

## 9. Loahpahanmusihkka

---

Sáhtta atnit ovdamearka dihte sálmma 181:6–8, 473, 474 dahje 491.  
Sálmma sajis sáhtta leat vuoigđalaš lávlla.